

影印

文淵閣四庫全書

第一一五四冊

北京出版集團公司
北京出版社

本冊目次

尊白堂集

宋虞儔撰……………一

東塘集

宋袁說友撰……………一四一

涉齋集

宋許綸撰……………四〇五

義豐集

宋王阮撰……………五三七

蠹齋鉛刀編

宋周孚撰……………五七一

附拾遺詩

欽定四庫全書

集部

尊白堂集卷一

詳校官右中允_臣薩敏

主事_臣呂雲棟覆勘

謄錄監生_臣范重榮

欽定四庫全書

集部四

提要

尊白堂集六卷

別集類三 宋

臣等謹案尊白堂集六卷宋虞儔撰儔字壽

老寧國人隆興初入太學舉進士累官兵部

侍郎奉祠卒其行事不見於宋史而志乘所

載頗詳始為績溪令即以治行被薦遷監察

御史搏擊權貴朝廷肅然為浙東提刑徙知

欽定四庫全書

尊白堂集
提要

湖州值歲祲推行荒政所全活甚衆蓋亦不

徒以文學見長者集中有使北回上殿劄子

是又嘗銜命使金考金史文聘表泰和元年

三月乙亥宋試刑部尚書虞儔泉州觀察使

張仲舒等來報謝即其事也儔慕白居易之

為人以尊白名堂并以名集其讀白樂天詩

云大節更思公出處寥寥千載是吾師生平

志趣可以想見故所作韻語類皆明白顯暢

不事藻飾其真樸之處頗近居易而粗率流

易之處亦頗近居易蓋心摹手追與之俱化

長與短均似之也然如除日獄空春蠶行及

勸農禱雨喜雨諸篇愷切慈祥詞意懇到足

以驗其心勞撫字固不當僅求之吟咏間矣

集中古文僅存制誥劄子二體已不免多所

散佚而辭命溫雅議論詳明於當時廢弛積

弊言之尤切其意亦頗有所取者據陳貴誼

欽定四庫全書

蘇白堂集

二

原序集本二十四卷今從永樂大典中採掇

哀次釐為詩四卷文二卷錄而存之亦所謂

布帛菽粟之文雖常而不可厭者歟乾隆四

十六年三月恭校上

總纂官臣紀昀臣陸錫熊臣孫士毅

總校官臣陸費墀

原序

紹定己丑秋八月武岡守朝請郎虞君衡遣介奉一編

書謁余序其首啟而視之曰尊白堂集乃其先人兵部

侍郎諱傳字壽老所作也卷二十有二詞制奏議之卷

七詩之卷十五衍裕雅重根柢經術緒密思清非苟作

者獨未諭尊白之意何謂也侍郎平日常曰韓魏公有

醉白堂坡公有我似樂天之句此吾所不敢惟知尊之

敬之故扁以為堂吁安得此長者之言哉宜其詞章粹

欽定四庫全書

蘇白堂集

一

厚不迂有樂天之遺風也唐史臣贊樂天謂其最於詩

今侍郎詩亦獨到讀之者知其為莊士雅人所謂畧無

杜牧之所譏者顧乃扁而尊之可謂廉於取名矣歷事

三朝出藩入從始終全德使獲盡展所蘊功業克就則

賡醉白之歌又將與魏同志而惜其不盡著也武岡守

繼家學政和惠知其親之善顯而傳之有足嘉者抑嘗

因是以觀白公之為人位不登乎丞弼功不著乎鼎彝

而百世之下殊勛偉業名德文學之彥率願尚友慨慕

而不可得是其可尊者必有出於文章事業之外覽者
邇其原焉可也朝請大夫權刑部尚書兼直學士院兼
修玉牒官兼侍讀長樂陳貴誼序

欽定四庫全書

尊白堂集卷一

宋 虞傳 撰

五言古詩

暇日邀王天任諸公遊南坡天任有詩因次韻
梅黃收宿雨山綠呈層巔高軒陰修竹朱檻俯流泉雅
致軼天外俗物無眼前笑人聲利場蛾眉競爭妍半生
政坐拙州縣空迴旋自視甘寂寞何心慕華鮮南坡吾
菟裘杖履有厚緣暇日領佳客頗辦沽酒錢愧無絲與
竹後堂欠彭宣何以侑談笑賴有茲山川送鴻煩遠目
落鴈驚虛弦門徑迴俗駕山澤非臞仙劇談交玉塵醉
吟飛彩牋榴花媚紅皺李實薦翠圓相忘忘諧謔小謹
畧踞拳茲遊無可紀須君賦長篇

再和

我詩苦艱澁蹇步太行巔筆乾硯欲裂何地覓湧泉巧
匠愧傍觀袖手不能前敝帚徒自珍捧心豈成妍辟舍
不獲命屬韃試周旋君詩巧層出汜露晨花鮮前輩借

波瀾後生敢並緣平生程不識毀不直一錢五色爛摩
尼八音和相宣挹袂庾開府拍肩揚盈川每發必中的
矢脫無空弦我蓋三復之飄飄意欲仙此計太冷淡浪
費五彩牋不如醉紅裙且聽歌喉圓況當荷傾蓋莫待
粟過拳徐看騎鯨伯一斗揮百篇

再和

雨驟頻垂脚山高故隱巔南坡疑斷路平地怪流泉猿
鶴誰為伴鳬鴻亦墮前梅黃雖借潤榴火漫呈妍人世

欽定四庫全書

尊白堂集
卷一

隙駒過天形磨蟻旋雲容愁暮合霞彩望朝鮮已負杖
藜約宜修香火緣江山如得助風月敢論錢今日苦不
樂此情誰與宣高歌懷杜曲晚賦擬樊川屋破時懸溜
弓驚不受絃好邀沽酒伴却羨泛舟仙竹色杯中綠花
光筆下牋左持還有蟹右畫更成圖自笑牛刀割難安
鷄肋拳補天非我事聊爾繼新篇

再和

君家有西園望我南山巔
觴詠繼曲水花石希平泉長

溝流砌下遠岫列楹前春風一披拂百卉為渠妍迨茲
夏日永杖履宜盤旋梅黃已過雨清潤霽景鮮主人雖
好事欲往無由緣似聞三徑深日夜長苔錢行當載酒
過高情與君宣飛鴻渺天末浴鷺來平川良辰恐易失
勿待月下弦前者坐中看俱是桂堂仙酒豪倒金壺詩
健輕華牋琴弄朱弦古碁枰寒玉圓君才九中的霜鶻
無空拳諄復記幽會春容看大篇

和姜總管喜民間種麥

欽定四庫全書

尊白堂集
卷一

腰鑣刈晚禾荷鋤種新麥田家競作苦焦豚勞歲夕翠
浪慳初懷黃雲期後獲晴暖得天時肥瘠隨地力賸欲
觀風謠未暇履阡陌寧唯餅餌香庶免鞭笞責擬踏青
州麴釀酒邀佳客

病起據案無緒輒書二十五韻呈簿尉

祇役來異鄉瘡鬼巧伺便寒熱四五行大小六七戰初
如蹈陰壑赤身卧冰霰繼若煽紅爐虐焰工煨鍊先生
但堅壁高卧觀物變謂我則忘吾曰舍其猶傳童子更

進藥先生強起燕羣鬼競擲掄醫工何瞑眩忽然汗四
出心愧頗有醜湏臾返清涼輕健欲舞抃寧唯疏枕簟
便覺美餽饌氣和疾自去福至禍亦轉我生多蹇剝縣
尹劇卑賤王事有期程私室敢安宴日出事還生孤游
無一援訟牒猶山積愚拙費裁剴催科正火急日夕踈
訶譴督郵顧小忍斗米那可戀彈琴不復夢據案敢告
倦仇梅二友生灑落邦之彥頗復相料理何嘗語遊衍
城南萬荷花浣溪錦一片涼生雨初過香度風微扇碧

欽定四庫全書

尊白堂集
卷一

四

筓亦易辨白墮儻可薦詩以代折簡辭兮非黃絹

除日獄空唯欠租監繫頗衆因悉縱遣之期以

開歲五日畢來因記東坡先生倅杭除夜直都

廳囚繫皆滿題詩壁間輒用其韻

訟牒日已稀私庭無留胡不了租稅顧為此拘囚催
科迫星火對案亦包羞作苦念田家歲莫得少休羔酒
會鄰里盍歸與婦謀刻期亦人耳吾其反自修

病後有感作

今旦病思清把書坐晴簷體舒百息勾心遠萬慮恬收
視等庖郢妙觀到羲炎頓忘饑寒若但覺中邊甜習氣
尚稍稍自喜良沾沾故家東堂書高架紛懸籤我時且
兒子氣欲俱并兼澆着胃次間政爾意不廉此意竟蹉
跎衰遲侵戰髻邇來又留滯鬱鬱三年淹是秋節物高
露白原草霑斜河轉空濶夜氣方森嚴此日足可惜黃
塵滿征襜明年會當歸赤米薦白鹽緒經慰老眼甘作
書蠹潛共嘲玄尚白指笑突不黔亦知屠沽兒羔豚方

欽定四庫全書

尊白堂集
卷一

五

屬饜

和張伯子韻

士流競彈冠州牧紛勸駕器識在所先文藝乃其亞竭
來同抱關因得奉餘暇軟語雜嘲謔小酌見蘊藉官禁
不通風門鍵那容罇酌斑縱未窺鯨背幾思跨君來怪
已三我到嗟方乍前頭萬木春當戶三星夜棄甲勿復
來背城寧一借新詩抵驪珠歸橐何妨詫

詠麥

平生笑盜儒口誦青青麥刻燭和新詩此夕知何夕六
花來未晚三白會有獲雨暘亦天事勤惰繫人力何妨
縱牛羊況已遍隴陌青黃未交時補助豈無責我亦念
歸田聊作數句客

和姜總管送別

富貴如浮雲于我初何有轉徙浙東西僅足餬其口去
年在吳興民物猶未阜賑荒事方殷奚暇詩與酒今年
到東陽政成不待久邂逅遇詩仙襟抱得細剖切磋愧

欽定四庫全書

曾白堂集
卷一

六

子貢起子辛魯叟琮琤蒼玉佩關鍵黃金鈕擬學西子
顰益愧鄰女醜賡酬強追逐要是非敵手目短曹劉墻
氣轢鮑謝固我如武成策第可二三取山澤多蛇龍松
栢無培塿緬懷南澗老斯人骨已朽人事真好乖又假
蘇臺守遽辭山水邦暫缺雲龍耦酒罷雨沾裾船開山
入牖似鶴出樊籠如魚脫窠臼分袂却關情鼓棹猶回
首長篇肯贈我字字炳星斗願保歲寒心莫愧金石友

和寧國守沈察院九月嚴霜十五韻

九月十月交卦應西北乾少昊猶執矩玄冥遽行權慶
元敦牂歲夏無雨暘愆早禾既有秋人斯望有年晚稻
亦懷新穎實相接連不間東南畝寧分左右肩嚴霜忽
早降節候無餘暄黃熟乃無日青乾空在田殆不如稊
稗那敢詠好堅造物豈棄遺繫時失後先農夫亟欲訴
有司不謂然課無責之有何異扼其咽使君惻興念官
租為渠蠲作詩寬彼憂至哉仁人言幸甚宣城民信乎
有二天

欽定四庫全書

曾白堂集
卷一

七

冬至念母

兜行十里程母心千里逐昔者子曾子不忍離一宿今
我獨何為旅食久輦轂來時月中秋坐待陽初復薄命
難推挽闊步窘邊幅慰藉煩友朋栖遲愧僮僕畫餅唐
生相說河嚴子卜世態方奔競人情慮反覆夫豈不懷
歸所惡在欲速眉壽翠濤春洞庭霜橘熟亦足盡親歡
何必此微祿

秋日同官遊聖感寺晚飲范公亭分韻得須對

二字

招提城東隅勝集僚友俱腐儒元自臞午飯厄齋盂不
如計一醉況有高陽徒小秋頗解事鷄鶩營庖厨我歸
與婦謀但問酒有無婦言有斗酒待子不時須

木末好風來山頭涼月朏快哉城上亭登臨吾亦再堂
堂文正公精神凜猶在盃行且停飲四座俱起酌義氣
激余衷豁若挹沆瀣此夕飲也清且無俗子對

次早再出

欽定四庫全書

尊白堂集
卷一

晨起候鷄鳴我車催發軔列炬犯星微衣襟蒙霧潤將
迎恐後期奔走追前進拭面愧緇塵墊巾憐雪鬢吾年
已如此世態何當徇曷不歸去來榮枯才一瞬

秋雨歎

少昊欲行秋驕陽猶踰巔炎蒸不易滌頗費天公雨浸
淫三日霖雲氣政旁午所慮早禾傷佳實卧場圃翻思
向來旱南畝生塵土矯首望雲霓一滴如膏乳及茲收
斂際反以多為苦蒼蒼匪天歟惻怛羣物祖怨咨尚未

免是非何所付會當返秋陽新晴照區宇禾實趣登場
不特盈我庾荷擔賴肩歸亦足慰田父黃鷄能漸肥紅
酒幸可酤持用答豐年造物儻復許

和張文潛有所嘆韻

老驥困鹽車四足若有絆鶯鳩搶榆枋控地不能遠我
本田家子釋耒事游宦少壯耻干請老大誰推挽撫字
亦徒勞催科寧趣辦於心儻無愧此首何妨俛財由政
事足軻也豈好辯苟得而富貴孰若甘貧賤

欽定四庫全書

尊白堂集
卷一

和陳倅留題奉聖

飛鴻渺天末目送類中散謫仙負詩狂直欲摘星漢白
雲千丈峯金碧美且煥忘言老瞿曇祇作空花觀軒冕
儻來耳世事亦其漫鸞鳳在赤霄寧肯就絀絆惟餘憂國
心撫事輒悲怨飢饉有流離十室九不爨上動黃屋念
每日不遑旰公豈愛登覽微意寓篇翰山僧遽傳似字
字如珠貫勸分豈無術未必愧鞭笞升斗倘均惠溝壑
庶少追福星公恐是疇復虞歲早王事敢告勞行役春

過半鬢絲禪榻畔綸巾時一岸溪山得勝賞歌舞廢屢
按請頌海沂康民謠茲可翫

和陳倅遊石門弔瞿硎先生

我坐南坡上高鴻忽飛去指點夕陽外文眷蓋其處

原註

僕家南坡之西政見文眷山下有奇洞府有道乃宜據鹿裘坐石室

先生豈真踞儻是我輩人傲視非所慮桓溫汝何為乃
欲效三顧姦心妄窺鼎未見神合沮猿鶴亦汝羞未易
飲食舉伏滔不自重且為溫所遇贊詞縱云美所耻非

欽定四庫全書

尊白堂集

十一

所慕邇來賢別駕物外欲軒翥功名恐未免溪山亦已
飫五字識巖石千載想風馭神交付冥漠心契自平素
蒼苔留履跡飛花約歸路先生還一笑晴雲為披絮

林子長見示悼鶴之詩若不能釋然者因次韻

以廣其意且於鶴不能無責焉耳

君家青田姿見之毛骨寒方當秋露警遽迫夏景殘年
來縱飲啄意外失防閑誰歟不具眼斃之于汝安竹林
有餘蔭荷塘豈不寬正坐出門誤寧虞行路難因思出

處理士君子惟艱方其窮居時孤進無還丹山林欲長
往鐘鼎夫豈慳一朝隴書至倏若登天翰肉食無遠謀
伐檀譏素餐失身墜戮辱無乃倭與姦逐兔牽黃犬東
門那得還竟死咸陽市慟哭何辛酸丹塗布衣願恨不
嗣與管富貴履危機悵望扶搖搏世事亦墮甑天理真
循環向來京口銘俯仰成悲歡世無薛公筆想像付永
歎

和萬元亨舍人送芡實

欽定四庫全書

尊白堂集

十二

吳興魚稻鄉來視刺史印適丁饑饉後倉廩無餘蘊當
饋不下嚙寧望饌中雋年來稻如雲便覺搖其吻豐年
百物熟天意毋寧靳君侯有佳惠芡實榮光潤東山願
不違南蕩居其近此物舊知名

原註南蕩
鷓頭有名

採擷手自引

剖蚌訝珠還泣蛟疑淚迸軟溫新剝肉釘鉅初嘗醞遺

我水之濱此意君其問

七言古詩

和王天任喜雪

姑射之山果何如往者吾言聞接輿肌膚冰雪能綽約
是中知有神人居神疑自使年穀熟況有疵癘煩驅除
乘雲四海聊戲劇磅礴萬物同慘舒至哉河漢已無極
俗士區區窮尾閭

我家四壁真相如晨興欲出無車輿獨騎瘦馬南坡下
閨風十二仙人居書生一朝忽富貴瑤林瓊樹環玉除
梅花失喜為三白一枝放我眉頭舒春風醉眼紅綠亂
爾時獨醒如三閭

欽定四庫全書

尊白堂集

十一

送隱靜恭老

妙喜老人骨應槁明月堂空迹如掃叢林耆舊半消磨
砥柱頽波餘此老五峯深處開道場道價重於連城寶
我蓋知名二十年長恨識師之不早竭來陵陽第二峯
一笑相從即傾倒午牕對坐語笑清夜榻歸來魂夢好
大顛理勢恐是渠澄觀公才何足道青衫我亦行作吏
未盡俗緣多病惱相期巢父早掉頭共住山中拾瑤草

和中本留題照石詩

故人別來知幾年怪我相逢鬢鬢白看鏡功名不用頻
蒼苔徧教留行跡蚤知宇定發天光未聞終日介如石
此理昭然何足疑來詩併遣鶴崖壁

贈孫尉姑蘇紫石鉞孫有詩次韻

吳儂生長水與雲不採蓮花拔蒲根窮山鑿石出奇怪
顛坑仆谷無寒溫宣和倖臣以佞進橫江花石如雲屯
造化有此誠瘡痍奈何浮靡誇朴敦守令誅求星火迫
州縣驚擾河濤翻舉觴誰酌斟攔子我欲從之以為昆

欽定四庫全書

尊白堂集

十三

爾來創作短尾鉞形模簡古得全渾遺君日以烹龍鳳
要和松風瀉潺湲彌明譏評二子媿盧仝風味千載存
搜攬胷中萬卷富傾動筆下三峽源可憐長安貴公子
飽餐荔支饜河豚豈知是有佳趣目方忤視手不捫
武夫丁字且不識一礮擬落天驕魂平生攘臂咤飛石
唾取青衫明主恩書生調度清且苦臭味不同誰與論
祝君勿遣羊羹汚以友石供古銅盆

食後過竹堂風雨遽作賦所見

雲氣四蒸雷蓄怒山雨一來風借助抱頭乳燕竄低簷
喋口黃鸝在深樹竹園萬葉齊驚呼老松不動如亞夫
何人筆端帶三昧畫作竹堂風雨圖

監學同舍錢南康新使君黃雍文分韻

人生五馬古云樂今君此行殊不惡君才自是瑚璉器
十載聲華滿臺閣胡為忽厭東華塵一麾要把江之濱
聞道豐登少公事姑與匡廬作主人到郡莫辭譏屢費
政恐朝來多爽氣山中向有讀書人為問歸來頭白未

欽定四庫全書

尊白堂集
卷一

十四

成均同舍錢別新安使君徐子宜太丞分韻

我昔絃歌乳溪側嗟哉所割真鷄肋斯民疾苦得飽語
離彼三年能記憶丁男箇箇事播殖紅女家家勤紡織
可憐卒歲無完褐縱使豐年有菜色夏稅未畢秋稅來
縣家小緩州家逼拆東補西恐不免剜肉醫瘡寧有極
小儒安敢私其民上官貽怒幾遭劾痛定還思當痛時
至今夢裏猶心惻歛為富州傳自舊誰以留州事苛刻
徐侯固是清廟器撫摩暫遣憑熊軾朝廷選用蓋不輕

祖帳衣冠傾上國德星往矣勿復道田里從茲無嘆息

同舍錢新滁陽使君范子由寺丞于成均芳潤

軒分韻

憶昔飛鳬來上國作縣聲名動宸極今朝頗怪空馬羣
十年所得真鷄肋笑指滁陽有佳處手把一麾留不得
醉翁相望百年間瑯琊自此添顏色

食墨魚有感

誑人吐盡胸中墨不料反為入所得禍變之來非所慮

欽定四庫全書

尊白堂集
卷一

十五

僅與詩人供一筋韓非竟以說難死揚惲詩成汙刀机
子雲嗜學甘寂寞晚年奇字終投閣撐腸文字五千卷
不救顏回忍飢面三年博士冗不治半生鉛槧寧非癡
老兵兩眼不識書飽食高眠我不如

次韻漢老弟假山

庭空吏散無公事一枕清風供午睡列仙之陬渺何許
化蝶翩翩可坐致夢中意行不識路神前那有車乘墜
立壁延緣蘿蔓綠滑徑行視莓苔翠南遊忽到九疑峯

竹痕斑斑湘娥淚，簫韶聲斷蒼梧雲。石上虛餘千古意，
回鑣斜經少昊墟。閭風縣圃窮幽邃，崑崙銅柱高隱天。
河流九曲東南被，高掌遠蹠得我驚。二華巨靈留顛屬，
三丘却轉問勾芒。首冠連鰲誰所置，蓬萊浪自弱水隔。
俛仰之間興已寄，傳聞有棗大如瓜。一笑安期方指示，
惡風驟起吹船回。未悟此身在平地，鬢髮銜鼓忽驚覺。
起來恰見羣兒戲，疊石亭前作假山。列嶂層峯生詭異，
有如中怒互擎攫。或似畫眉相嫵媚，神嫵獅子豈其朋。
欽定四庫全書

尊白堂集

卷一

伏虎卧駝非若類，珠屏九摺地不惜。西柱一峯天所棄，
眼中乍見已堪賞。夢裏曾遊俱可誌，連筒灌水瀑泉飛。
薄岸臨坻盤石歸，瓦盤峯石養菖蒲。小有仇池今見二，
乃知仙境只人間。跬步不移千里至，向來封國在槐枝。
我今此夢真相似，要知萬事孰非夢。何物世間能久嗜，
有人夜半欲移舟。讀我此詩寧不愧。

偶食鷄頭有懷萬元亭沈德遠林子長橫塘三

主人

秋風一熟平湖芡，滿市明珠如土賤。昔也兼名鴻鴈頭，
今茲始識胡孫面。原註主人謂鷄頭作胡孫面者佳應須我輩賸著語，
會有後人來作傳。橫塘地主總好事，凌波不過空山燕。

再和

年豐豈特菱蓮芡，米價新來如許賤。不孤后稷由已思，
誰作顏回忍飢面。清朝已拜富民侯，太史莫書循吏傳。
我今何事不歸田，豆飯芋魁甘得嚙。

和張簿南坡

欽定四庫全書

尊白堂集

卷一

春風吹水生碧鱗，南坡花事日日新。水流花出人間去，
應有桃源迷路人。四圍山色染黛綠，夾道柳絲搖麴塵。
碧桃和露真含笑，海棠過雨猶橫陳。蜜脾未滿蜂子鬧，
麥穗欲齊媒雉馴。滿堂金玉空為爾，不博斑衣膝下春。
我今家居奉慈母，長年直欲齊大椿。每當淑景恣遊覽，
白藤肩輿敷錦茵。華髮映花更蕭爽，朱顏得酒能精神。
授柑政類潘騎省，舉觴敢望周伯仁。仙家日月雖不老，
人生行樂須及辰。張侯故是名家子，萬里碧雲看致身。

竭來吾縣驚栖棘少年得祿說及親洛濱侍從追前躅
喜君有此與我均花間不用錦步障鶯蝶近前君勿嗔
雙餅姑餉千日壽待戒園夫休厭頻

和郁簿述懷古風

莫笑當年韓與侯釣魚溫水垂纖鉤鳶肩自是騰上速
安用常何薦馬周先生直氣摩星斗肯來州縣甘低頭
在官姑欲行所學一猿未足勝衆猴平生一介重取與
邈視不義如雲浮同舍償金初何有從者竊屨還言否

欽定四庫全書

尊白堂集
卷一

十六

古井新來亦波浪夷途強指如山丘毀言中人以疑似
心苟無瑕何足尤雖然鑠金忌衆口此語不妄聞諸鄒
誰知三月未得祿長飢日典鸛鵲裘不作顏公乞米帖
吟詩肝腎愁鐫鏤詩成險語破鬼膽我慚屬和真蠻謳
願須暇日薦所有君方有行寧少留何妨暫駕揚州鶴
猶勝他人萬斛舟

昨日於竹堂後開一徑通南坡甚近從此便於
往還遂成日涉之趣矣

先生一室如懸罄彈鋏浩歌誰復聽監典每出欠僕夫
蹇驢試跨愁泥濘南坡日涉恐負渠寸步躋攀如折脛
偶向田頭問小溪何妨竹裏通幽徑杖藜從此便還往
出趁晨光歸及暝更遣蒼頭佩一壺醉中却愛風吹醒

春蠶行

今年桑葉賤如土吳蠶戢戢多於魯葉底時聞健食聲
樹頭颯颯初來雨辛勤出火倏三眠準擬收功千萬縷
縣官何忍為繭絲女紅切勿事纂組愚儒請遺天下衣

欽定四庫全書

尊白堂集
卷一

十九

各使蒼生有環堵天寒歲暮田舍翁白髮霜風吹兩股
林正甫舉似所和雙了巖詩且索同賦

君不見羅敷採桑城南路不肯輕為使君婦又不見銀
釵垂頸負薪歸四十未嫁夔州女雙了何自老山中當
年豈羨西鄰富花前啼鳥春不知月裏姮娥夜相顧寧
為山頭望夫石儻有飛鴻傳尺素莫學巫山十二峯為
雲為雨朝還暮老奴玉鏡誰自料阿嬌金屋知何所明
珠節婦浪悲吟羅襪洛神空有賦蛾眉入宮須見妬

五言律詩

觀園夫種菜

町畦紛接壤灌溉細穿渠坐待佳蔬長應須惡草除向
來師老圃比去遂閒居遶屋扶疎處蕪尋種樹書

和林子長分贈丹桂韻

月挂天應惜溪堂人與清五枝蒙折贈雙目喜增明紅
藥羞丹禁彤霞避赤城賸聞燒燭賞有底置公榮

紀實也

欽定四庫全書

詩白堂集卷一

子

雨中偶成呈天任

久雨苦不樂吾廬亦未貧十旬蕪美醞千畝長脩筠睡
蝶頻來夢歌鶯皆惱人得君新唱和懶病起精神

秋晚矣菊猶未開小詩速之

問訊東籬菊如今開未開不應辜酒伴寧是欠詩催屈
指秋將盡闕心日幾回霜風不相借何意尚徘徊
酒為多多辦花須早早開已愆重九約猶待兩番催明
日還何益西風定肯回游言空自解蜂蝶笑徘徊

再促花

珍重栽培意商量仔細開花心終有待詩句漫勞催莫
恨三秋去須教一笑回但儲千斛酒端的奉徘徊

數詩煎迫太甚再為花下一轉語

蝶自無心懶花應有意開含香特珍寵顧影尚低回畢
竟風流在從渠火急催浮華不相待莊重政徘徊

喜花開

落木驚秋晚黃花徹夜開便教雙蝶舞寧是萬牛回有

欽定四庫全書

詩白堂集卷一

子

酒須頻舉將詩莫浪催淵明千古意為汝轉徘徊

諸公和詩而菊開主簿沃同年乃有褒拂之語

用韻謝之

怪底花心轉知從筆力回不嫌嘲我瘦良是為君開白
雪詞何有黃鸝曲漫催待牽重九興籬下醉徘徊

原註九日

沃文諸公同集

比收張伯子尚書書報諸公有相招意因賦拙

句

入臺羞結舌去國坐嬰鱗東道今行李南宮乃故人寒
溫煩見問書劄不辭頻向日區區意還曾扣大鈞

與物初無競何人苦見銜馮唐雖白首商皓豈空函烏

鵲新傳喜青蠅漸息讒鴛鴦滿臺閣祇合理歸帆

天上張公子殷勤忽枉書幾年憐潦倒今日遂吹噓貢

喜慚何暮馮招恐不虛吾生真有命造物合何如

韓知府挽詩二首

宦路雲霄近鄉評月旦賢不惟同里巷曾是接官聯西

欽定四庫全書

韓白堂集

卷一

浙勞裨贊東淮適後先向來吹送意豈料隔重泉

原註
余昨

守平江公為倅及為浙西憲嘗劉
薦之後自淮清呂師公方守泰州

方美朱輪貴俄驚丹旆新鳳毛看二子鶴髮慰偏親甲

第歸無日名園跡已陳風流山下路楚挽倍傷神

林子中知府挽詩

彩棒初行志華途蚤策勲旋聞鳬舄徑有虎符分歎

息誰為黨推求誤到君天公還憤憤玉石竟俱焚

原註
居推

金州有曲
律之事

疇昔因難弟黃緣幸識君宦途俱別日苦水再披雲勞
苦驚多病悲涼惜離羣斗金峯下路鐔挽不堪聞

李叅政挽詩

望重三朝舊年過八秩希股肱康帝室羽翼傳儲闈北

闕恩雖厚東山願豈違蒼生猶有恨不見衮衣歸

廊廟推良弼屏藩紀吏師三孤崇卹典公座有佳兒風

節蕭長倩詩篇杜拾遺條騎箕尾去名共列星垂

末路懷前輩分符記舊臨吳興慚薤本寶婺仰棠陰驥

欽定四庫全書

韓白堂集

卷一

子嘗傾蓋龍門亦整襟無繇陪執紼楚挽寄哀音

叅議余公挽詩

慘澹門闌色淒涼月旦評居官皆可紀當路競知名香

火祠庭老錨銖郡紱輕彈冠公自懶相國詎忘情

假蔭非公志書生若命何高才寧汨沒榮路故蹉跎仲

子能傳業詞場遂決科暮年方慰意樂極又悲歌

和姜總管歸途

城郭迎車騎溪山展畫圖歸鴉翻落葉宿雁集寒蕪酒

裏傾肝膽吟邊識步趨佳人來底暮心倏碧雲蘇

元日小室獨坐情思不怡

坐久無人問愁多莫我娛頗知新歲好却訝五行孤書
亂塵凝案灰寒雪擁爐可能無斗酒牆外雜歌呼

故奚公學長挽詩

詩酒平生興人琴畢竟空儒冠成晚歲尺牘到諸公忽
嘆羣無鶴誰留目送鴻竹林家世事清節見君同

中書黃舍人父總幹挽詩

欽定四庫全書

詩白堂集

五

孝子推慈父明君有直臣豈惟成羽翼況復掌絲綸想
像成齋舊昭回宸翰新固應方寸地種德玉堂人

有子能傳業黃金笑滿羣去華雖不第谷口豈其卿四

海知名姓諸儒仗老成平生郭有道真不愧碑銘

挽余丞相

淑氣含公鼎明時預政機仲山維補衮文子不勝衣南
國恩偏厚東山志偶違一為天下慟無以我公歸

暑路驅紅旆天書趣紫泥長沙元忌鵬太歲又逢鷄挽

鐸春風咽銘旌夕照低冠車紛會奠桃李自成蹊

寶閣尚書凌公挽詩

新學輕餘子忠懷策萬言治安猶涕泣師友故淵源日
曳尚書履風生刺史轡漢庭誰第一殊未遜公孫
未識嵇中散今無元魯山宦游真恨晚逸駕竟難攀閱
月推評旦聞風尚起頑九原那可作蒼弁亦推顏

繆夫人挽詩

黯淡金花語淒涼栢葉觴

原註夫人以正月二日捐館

開屏慘佳壻

欽定四庫全書

詩白堂集

五

扇枕念諸郎家事千奴橘僊遊一夢梁了知元不朽千
載有銘章

萬侍郎母夫人挽詩

閨壺高風在鄉閭美事傳寧須伯仁長更覺壽昌賢祿
養酬初志恩封慰暮年侍郎官已貴遽返閨崑僊

漢老弟去秋留別有明年桃李月春入馬蹄輕
之句今其時也因次韻招之

晤言堪慰意別語最關情老我春還暮思君月共明丁